


Inzko se sastao sa Lajčákom



Visoki predstavnik i specijalni predstavnik EU Valentin Inzko danas se u Sarajevu sastao sa ministrom vanjskih poslova Slovačke Miroslavom Lajčákom.

Govoreći o trenutnim političkim izazovima u Bosni i Hercegovini, Inzko je rekao da je na situaciju utjecalo približavanje opštih izbora.

Kao odgovor na ovu situaciju, međunarodna zajednica i EU pojačali su fokus na BiH. Visoka predstavnica Ashton, generalni sekretar NATO-a Rasmussen, ministri vanjskih poslova Moratinos i Frattini, te zamjenik državnog sekretara Steinberg su među zvaničnicima koji su posjetili BiH u posljednjih nekoliko mjeseci i izrazili potrebu da se ona vrati na put evropskih i evroatlantskih integracija.

“Samit koji će se održati u Sarajevu 2. juna će potvrditi opredijeljenost EU za stabilnost i prosperitet u regiji”, rekao je visoki predstavnik i specijalni predstavnik EU Inzko. BiH bi trebala iskoristiti ovu priliku i, generalno, njene vlasti bi trebale pokazati da ulažu povećane napore kako bi proveli reforme vezane za pristupanje EU, a to je nešto što građani očekuju od njih.

Bez obzira na trenutni politički zastoj, određeni pomaci se mogu očekivati kada je riječ o liberalizaciji viznog režima, gdje je BiH postigla stvarni napredak. “To pokazuje da napredak, koji donosi konkretne pogodnosti građanima, jeste moguć kada građani, mediji i civilno društvo zajedno učine

dovoljan pritisak", rekao je Inzko.